

Wárágà Yúdà dré tisìle dhi

Wárágà kònìdhi ni tà àndu ngìle drìdrì dhi

Kònìdhi wárágà Yúdà dré tisìle dhi 'i. Akódhi nda adrè áyi zi Yésu Krísto ni m̀arábà ro, ìndì Yàkóbhò ni adrúpi ro (1:1). Adrè wárágà tsà kònìdhi ni tisì kitswázó m̀ondyá ka'ìbhá dhi ki kodzó, ì kàdréró àyi ki líkí m̀ondyá tífìbhá àyi kòfalé adrélé Gìká ni tà tadhá kìnzò sè dhi ki tà sè. Adrè tàá dhi, m̀ondyá nda ì adrè tá Gìká ni togó tani ni tà ladzá atsálé àyi dré láti adrézó tà swà 'o dhi ró (1:4). A kònò dhi, tà àruka wárágà kònìdhi léna dhi ì sù ngóro tà Péteró dré tisìle áyi wárágà ni rì na dhi ì t́ni. Yúdà adrè m̀ondyá ka'ìbhá dhi ki kodzó, ì kàdréró àdzú bhu àyi ki tà ka'ìka'í ni tà sè (1:3).

Tà kàdrìkàdrì wárágà kònìdhi léna dhi ki atìma

- 1) Yúdà ni m̀odo fèma (1:1-2)
- 2) Tà tadhábhá kìnzò sè dhi ì (1:3-16)
- 3) Tà tàle m̀ondyá ka'ìbhá ki kodzózó dhi ì (1:17-23)
- 4) Gìká ni rú bhàma kùle kùdù ro dhi (1:24-25)

Yúdà ni m̀odo fèma

¹ Ma, Yúdà, Yésu Krísto ni m̀arábà ro, ìndì Yàkóbhò ni adrúpi ró dhi, má adrè wárágà kònìdhi ni tisì àmi, m̀ondyá Gìká Atá dré lèle tò, dré azilé, ìndì Yésu Krísto dré adrélé líkìlé dhi ì dré.

² Gĩká kòbhà àmi ki kizà, ìndì kòfè tà kìdrìkìdrì ì lèle be gàle àmi léna bí!

*Gĩká ni tà tadhábhá kinzò sè dhi ì
(A kònò kpà 2 Pétèró 2:1-17)*

³ Ama arúpi má dré lèle tò ni ì, áma togó tá àtsi ró wárágà tisìzo àmi dré, lídrì tídhí ro mà dré kisulé túmání àmi ìbe dhi ni tà sè. Di, má nò mána dóro ni, má dré wárágà kònìdhi ni tisìle àmi ki kodzózó adrélé àdzú bhù àmi ki tà ka'íkà'í ni tà sè dhi. Gĩká bhà tà ka'íkà'í nda mónnyá lólo ína ì léna, ì kàdré ró adrélé ába nyo.

⁴ Di, mónní àruka Gĩká ni tà gabhá rè dhi ì luvù tá àyi tífilé lùzu ró àmi kòfalé gò, ì dré adrézó àma ki Gĩká ni togó tani ni tà ladzá, atsálé àyi dré láti adrézó tà swà 'o dhi ró. Ì adré kpà àma ki Mírì, àma ki Opí àlo kwákwá, Yésu Krísto ni ga rè. A tisì tá mónnyá nda ki tà kínó lésè Gĩká ni Kúlí na, tàzoá dhi, Gĩká ni tà bha àyi dri.

⁵ Má adré di lèá dhi, mì kòkisù tà kòni ì, tágba mì dré tà nda ki nìzo dóro dhi: Mírì Gĩká apá tá Ìsèrélè ànzi ì, àyi ki 'òzo apfòle Èzèpétò lésè 'íká, gò dré àyi ki àruka ka'ìbhá ko dhi ki 'òzo todràle ndò.

⁶ Mì kòkisù kpà ángéló tá ligíbhá Gĩká rú dhi ki tà. Ayi nda ì lè tá rìnyí bhàle àyi drígá dhi líkíle ko gò, ì dré àyi ki tàndì ki bhà bhù na dhi ni tayízó. Di Gĩká dré àyi ki 'ìzo nyìrì sè kóná vésè kólyá àrà tìnímvá ro dhi na, adrézó àyi ki líkí kònàle adrélé kítú kàdrì àyi ki tàbvó tàzo dhi ni letè.

⁷ Kókpà kòdhi tìni, mì kòkisù mónnyá Sòdómà àdhya, Gòmórà àdhya, ìndì bhàandre àyi làgàsè

dhi kya ki tà. Ayi nda ì fè tá àyi adrélé ndòtò tà 'o, adrézó rúbhá twá dhi ni lovó bha. Di Gíká dré tà ñòzo àyi dri, tadházóá dhi, móndyá tà 'obhá àyikya tíni dhi ki kizà nya àtsí na kóná vèsè kólyá.

⁸ Di móndyá àmi kòfalé nda ì adré kókpà tà 'o kònini. † adré toróbí ì dré adrélé abìle dhi ki lebè, adrézó àyi ki tàndi ki rúbhá ki kizá tàkonzì 'òma sè. † adré Gíká ni rìnyí adrézó òpì nya dhi ni ayízè, adrézó tírí mīlanzīlanzī ro bhù na dhi ki lodhá.

⁹ Di, ndìndì ángéló ki kàdrì, Mìkàyélè dha tá ína Dzáborò asíkìle Gíká kandrá ko, ì dré tá adrérà'a tà kayí akódhi nda be Mósè ni rúbhá ni tà sè dhi 'á. Be ró dhi, tà tá ína dhi: «Mírì kòligí mí be!»

¹⁰ Di, móndyá nda ì adré àyikya tà ì dré ñìle ko dhi ki lodhá kòdhya. Di, tà ì dré ñìle àyi ki rúbhá sè kà'wá tà nibhá ko dhi kya tíni dhi ì adré àyi ki kizá ñì.

¹¹ Kizá àyi ki ngá 'ì! Tàko ko, ì lebè àyikya láti kònzì Kàyínà àdhya tíni.* † tayí àyi litílè làfa lovó sè Bálámà tíni.† † ligí Gíká rú Kórè tíni gò, dràdrà dré atsázó àyi rú.‡

¹² Àmi ki gwányá adrézó lèle tadhá dhi ì 'àsè dhi, àyi ngóro ngá adrélépi kanyò fe àmi dré dhi tíni. Tágba ì dré adrézó gwányá 'o tùmání àmi íbe dhi, ì adré àyi ki 'a nya gále ngá sè kanyò àko. Ayi ngóro ndùrùku yí àko, lyá dré adrélé livilé dhi ì tíni. Ayi ngóro fa lò'wa 'abhá ko,

* **1:11** 1:11 A kònò Kìdhoma 4:3-8. † **1:11** 1:11 A kònò Ngá nàma 22:1-35. ‡ **1:11** 1:11 A kònò Ngá nàma 16:1-35.

lókya lò'wa kàzo dhi 'á dhi i tìni. A tingí fa nda ki kómvo kìní lésè gò, ì dré dràzo dràdrà.

¹³ Ayi ngóro yíandre ni mǐ lyá dré adrélé livilé longálé gò, dré adrézó lèle swà ro dhi tìni. Yí nda adré àyi ki tà kanyò ro dhi ki 'o topfòle tósá tìni. Ayi ngóro bhìbhínyà adrébhá tatsilé wàyá ro dhi i tìni. Giká zù tìnímvá anílèpi tsítsi dhi àyi dré adrézó lána kóná vésè kólyá.

¹⁴ Ayi nda ki tà sè dhi, Ēnókà, móndí ni nzi-drì-rì Adámà àmvolésè dhi, longó tá tà pròfètà àdhya tìni, tàzoá dhi: «Mì yi rè ká! Mírì adré alìle áyi ángéló lólo lizólìzo dhi íbe,

¹⁵ móndyá títí dhi ki tàbvó ta. A ni tà bha móndyá kònzì títí áyi tà gabhá dhi i dri, tà kònzì títí ì dré 'òle ligízó í rú dhi i sè, ìndì kúlí kònzì títí ì dré tàle í rú dhi i sè.»§

¹⁶ Móndyá nda ì adré ngbú ngùrùngùrù ta, adrézó làndrì ndrì, adrézó tatsilé àyi ki tàndì ki lovó kònzì ki 'obe, adrézó àyi ki afà, adrézó móndí ki tà bha kuru kitswázó ngá kisú ásà dhi bvó.

Tà tàle kùdù ro móndyá ka'ìbhá ki kodzóó dhi
ì

¹⁷ Dì, àmi, áma arúpi má dré lèle tò ni ì, mǐ kòkisù tà àma ki Mírì Yésu Kristo ni àpòstolò ì dré longólé drìdrì dhi i kòdhya.

¹⁸ Ì tà tá àmi dré dhi: «Lókya kùdù sè dhi, móndí ki apfò adrélé àmi ki gu, adrézó tatsilé àyi ki tàndì ki lovó kònzì ki 'obe.»

§ 1:15 1:15 A kònò Kidhoma 5:18, 21-24.

19 Móndeýá nda ì adré àmi ki 'o ru lanzí àmi kòfalésè dhi àyi. Ì adré àyi ki tàndi ki rúbhá lovó ki lebè. Ayi Giká ni Tirí àko àyi léna.

20 Di, àmi, áma arúpi má dré lèle tò ni i, lè mì kàdré àmi ki timbà àmi ki tà ka'ika'í lólo dhi na. Mì kàdré tà zi Giká tí Tirí Lólo ni rinyí sè.

21 Mì kàdré àmi ki likí adréle Giká ni lèle na, mì dré adrèrà'a àma ki Mírì Yésu Krísto ni letè lídrì kóná vésè kólyá dhi ni fe àmi dré akódhi ni togó dóro sè dhi 'á.

22 Mì kàdré àmi ki togó dóro tadhá móndeýá adrébhá tà ka'ika'í íbe yàya dhi i véna.

23 Mì kàdré móndeí àruka ki apá tidrílé àtsí sílésè. Móndeí àruka ki tà sè dhi, mì kàdré àyi ki kizà bha, adrézó kpà tirí íbe, adrézó ndìndì àyi ki kítá atsábhá ndí ró àyi ki tàkonzì sè dhi ki tabè ko.

Giká ni rú bhàma kùle kùdù ro dhi

24 Giká rinyí íbe kitswázó àmi ki likí mì kòdheró ko, ìndì kitswázó àmi ki 'o pfole áyi adrèrà mĩlanzĩlanzĩ ro dhi kandrá tà kònzì àko àmi rú ìndì arí be bĩ.

25 Ama ki Mírì Yésu Krísto sè dhi, mĩlanzĩlanzĩ, rúku, rinyí, ìndì rinyí adrézó òpì nya dhi be dhi ì kàdré Giká àlo kwákwá àma ki tidrílèpi dhi dré, kidhólé kínó lésè, atsálé nyànomvá kòndhi, tsàle kóná vésè kólyá! Kàdré kònnì.

BÚKÙ TÀ TÍDHÍ//RU YÌZO DHÌ ADHYA
Logoti (Logo): BÚKÙ TÀ TÍDHÍ//RU YÌZO DHÌ ADHYA
New Testament

copyright © 2015 Wycliffe Bible Translators, Inc.

Language: Logo

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

942af0a0-42ea-5477-8f1a-fed39823f32b